

閩都記卷之三十三

郡人 王應山 纂輯

郡東北福寧勝蹟

福寧一名秦州今領二縣曰福安曰寧德向隸福州逾羅源七十里而遙寧德縣有白鶴嶺飛鷺渡林仲麟墓楊復墓金鄱寺官井洋赤鑑亭林聰宅霍童山支提寺石堂福寧州龍首山建善寺松山瑞巖寺秦嶼棲林寺太姥龜湖寺飛來山邱允墓靈泉寺虎溪福安縣辰山黛凝寺龜山寺雙巖嶺大羨嶺羅漢寺薛令之宅靈谷寺甘棠鹽運分司白石巡司穆陽幞頭巷謝翔宅

卷三

求放

寧德縣本唐長溪古田二縣地開成中置感德場長興

縣 國朝洪武二年屬福州府成化九年升長溪

州寧德屬焉三鄉七里領二十五都凡四十圖東至

十里西至古田杉洋一百二十里南至羅源界二十

至政和 巖二百六十里東南至州二百二十里

州二 一里東北至福安二百里西北至

如之

四五里鶴峯之北有巖懸崖空洞

為龍湫有峯脈起自巖透迤數田

蓮花峯下有嶺通道羅源石磴崎

視大海在履鳥之下縣城視之宛焉一鶴

詠 明傅汝舟詩仙人騎龍去不復乘白鶴白鶴

爲山約綽尙餘沖霄志突兀向廖廓俛首銜扶桑

霍大海當其前島嶼等燕雀始知白鶴尊永與世塵

行道渡白鶴嶺聞雞辭野店驅馬度寒山竹掃青天

碧海灣不堪行役苦翻羨采樵閒安得乘風翼翮翮

飛鸞渡飛鸞勒馬二山聯絡又有金臺山爲輔派出武由

有溪橋從三江沿至福寧福安昔爲官渡後以海寇

厯初始置私渡

林仲麟墓在赤水灣歲久圯敗邑士左擁得一石刻慶元丑

卷三

二

求放

林公之墓知縣龔穎爲封表祭之 明丁佳詩曾於青上識

儀刑今日經過拜古塋君子聲名誰復繼慶元氣節凜如生

斜陽古渡搖山色荒草殘碑卧月明我亦臨風倍惆悵此心

知不愧登臨

楊復墓在圓明寺後復朱子門人著禮書

金鄱寺唐大中八年建初僧居白至山遇異人言此可居是夜

祥光見居白就視獲金尺一遂剏寺以山在邑北故名金鄱

廣明初賜額供善宋至和間圓執禪師惠寺左臨深坑一夕

雷雨裂後山之半平其基乃拓殿堂增龕龕具備寺有盤

陀石靈響石烏馬石潛鱗沼雙石屏碧水簾湧金看蒙泉石

長老巖祥雲巖號十奇 明林聰詩古剎嵯岬倚碧阿十年  
風景近如何香生泉水通鱗沼綠染苔衣上碧波習靜自知  
塵俗遠相逢還喜舊僧多明朝又復朝天去樽酒何嘗再一  
過

官井洋在大海扈崎山尾俗名虎崎滙福宜福安諸水於此極  
深險 明魏瀚詩一葉扁舟萬里波好風吹我渡天河旌旗  
掩映風前絮島嶼沈浮鏡裏螺騁望不窮滄海近驅馳直向  
斗牛過雲霞滿目非人境試問蓬萊路若何 陳震詩布帆  
無恙水無波瞬息俄聞百里過一舸清風載詩思不知蓬外  
有漁歌

卷三

三

求放心齋

赤鑑亭在西陂渡旁宋蘄王韓世忠平范汝爲過此賦詩 宋  
邑人余復詩萬頃琉璃到底清寒光不動海門平鑑開波面  
一天淨虹吸潮頭萬里聲吹斷海風漁筴遠載歸秋月客帆  
輕芍陂曾上孤舟看何似今朝雙眼明 詹羽詩野渡扁舟  
自在浮慣來江上不驚鷗一竿釣破滄浪月泛入蘆花石點  
頭

林聰宅在七都前林聰正統間刑部尙書贈少保墓在水南湖  
上有司營葬

霍童山在十二都神仙霍童所居謂霍林洞天天下三十六洞  
天第一也唐司馬承禎修煉於茲山跨鶴飛昇又名鶴林天

寶間改名仙遊閩封爲東嶽山中幽巖邃壑人跡罕到每月  
皎居人輒聞空中樂聲山之西有支提山那羅延巖神僧居  
窟葛公仙巖南有蘇溪鶴嶺北有菩薩峯紫帽峯大童峯小  
童峯左彌峯右彌峯仙經云茅君爲左彌仙卿韓衆爲右彌  
仙伯又有寶劍巖卓筆峯霍林洞赤城洞鄧泉湖石仙壇產  
龍鬚草及檉樹旁生竹一枝遇風搖動自掃壇上壇下西南  
有石甕貯水色白味甘有石櫛三十餘丈石室盈丈東有石  
橋橫跨澗上有搗藥搗衣石白石盆石盂玉鏡碧色鵲尾香  
爐皆天成也昔人取山中諸景香爐峯仙來峯架峯玉女峯  
龍腰峯雞跡峯石牛峯羊榭峯獅子峯展旗峯九仙峯飯籬

卷三

四

求放心齋

山馬鞍山鳳凰巖懸鐘巖合掌巖煉丹巖蓮湖墩桃花峽雪  
花林雲錦屏堵茅坪雙髻了石碁盤布泉丹井合前諸勝爲  
四十八咏霍童別峯有高蓋山洞天在其上常有紫雲覆之  
山有石和尚玉女峯桃花洲之西有鶴林宮 宋余復詩霍  
童山峯凡六六不知仙子在何方秋風萬里一黃鶴返照半  
林雙白鷗長劍氣橫霄漢外飛泉影落畫圖間自憐懶作朝  
端客訪道尋真日往還 陳嘉言遊霍林洞尋黃鶴白鶴峯  
過大童小童杖底泉聲滴漑衣邊樹色空濛 藤上老猿欲  
墜松間野鹿相隨苔蘚綠埋丹竈桃花紅出金垂 瀑聲深  
澗淺澗峯勢烟籠霧籠恍佛身遊海上須臾覺在山中 翠

篠輕挑綠酒紫芝間對黃冠牛醉風迴鐵笛中霄露冷瑤壇  
白玉蟾遊霍林洞王邵諸君安在哉雲屏烟嶂鎖蒼苔大  
千世界飛雙鳥第一洞天遊兩回太極光陰忘甲子九天瑞  
氣接蓬萊桑田海水只如許惹得朝猿暮鶴哀 趙迪遊霍  
童萬仞峯巒翠作堆誰知有路接蓬萊蒼顏童子對雙立白  
首使君遊一回石上殘棋風掃竹洞門飛鳥雨生苔欲留信  
宿遲遲去應待茅君跨鶴來 明林保童宿霍林宮琳宮地  
僻隔紅塵明月清風入夢頻瑤草琪花添雅致孤雲野鶴伴  
清貧不爲名利奔馳客自是乾坤蕭散人昨夜偶同仙客飲  
大家拍拍滿懷春 王恭遊霍童山白鶴今何在千林只鶴

卷三

五

求放心齋

林人烟山縣少魚鳥洞天深苔色迷仙跡泉聲淨客心無因  
問丹訣天路杳難尋 陳鳴鶴鶴林宮道人何處奏雲和古  
觀餘基翳薜蘿烟駕軌荒逢鹿少露壇灰冷見猿多已無瑤  
席延真宰別向元門陟大羅聞說孤峯最高頂一龕香火演  
楞伽 謝肇淛霍童山中尋真十里不覺遠古木槎枒石嶽  
嵌山色溪色互向背大童小童相追隨雲中閱世一黃鶴洞  
口笑人雙紫芝比立導客出樵徑竹杖芒鞋從所之 又霍  
林道中策杖尋真未得間嶺雲迢遞路孱顏溪邊喚艇重重  
渡馬首衝人疊疊山石室猿窺新月嘯松門鶴帶暝烟還碧  
桃落盡胡麻熟未許遊人到此間 周千秋那羅巖懸巖幽

谷翠繽紛小徑紆迴一水分巖半竹橋留返照洞中紺殿宿  
寒雲溪聲入夜常疑雨石刻侵苔不辨文講罷華嚴僧已去  
殘鐘猶向五更聞

支提寺宋開寶四年吳越王錢俶建政和間郡守尙書黃裳  
請賜政和萬壽額相傳有聖鐘鏗鳴天燈燿煜求以誠心咸  
應歲旱禱雨多驗後寺頽廢隆慶間有僧大遷捐貲興復叅  
政王應鍾撰碑文宋主簿陸游訪僧支提寺高名每慣習  
鑿齒巨眼悉逢支道林共夜不知紅燭短對床空嘆白雲深  
滿前鐘鼓何曾忍匝地毫光不用尋欲識天冠真面目鳥啼  
猿嘯總知音明主簿葉衡詩策杖今來此天寒柰九秋水

卷三

六

求放心齋

花分塹弱山木抱雲稠更宿招提境真同慧遠遊從茲幽興  
熟佳景最風流謝肇淛支提寺鷲嶺西飛萬壑迴上方紺  
殿鬱崔巍金身新出中宮賜寶地遙從震旦開苔篆春侵香  
積冷松林夜湧聖燈來山僧定後諸天寂惟有猿啼說法臺  
又南峯淨室路轉南峯結草庵嵩邱蘭若老瞿曇片雲萌  
屋三更雨流水繩牀五尺龕問法有時過鷲嶺漱流長日到  
龍潭禪心定後無人會處處香風度石楠

石堂山在二十都路通古田山巔有石如堂宋儒陳普居其下  
明嘉靖十四年知縣葉稠以廢仁豐寺建祠

福甯州本侯官温麻地唐時爲長樂縣後改連江復爲羅源縣

元升長溪爲福寧州領福安寧德二縣屬福州路 國朝洪武初復爲縣屬福州府置衛領七千戶所成化九年憲副何喬新奏縣復爲州隸福建布政司仍領二縣州編戶五十三里統圖一百九十有九後省爲四十三都凡五十三里城在會城東北五百四十五里東抵海及溫州平陽南至海及溫州泰順西南至羅源縣界廣二百四十里袤二百四十里明謝肇淛登福寧籌海樓詩百尺高臺臺上樓鼓聲烽火似邊州鯨波已定降王檄雉堞猶傳控海籌平楚風煙臨水盡亂峯雲氣抱城浮時平無事將軍醉笑倚紅粧卜夜遊

南峯菴在州南三里許有大榕樹根怒起丈餘中闕爲門以通

卷三

七

求放心齋

人行 明謝肇淛南峯菴路遶菜花行南峯滅復明竹成菴有徑臺迥澗無聲野色碧際海山雲青壓城老僧不識客隨意坐縱橫 拔地兩榕根盤空幻作門僧歸板橋月人語夕陽村積葉春眠虎垂藤夜度猿興來還獨往徙倚望黃昏周千秋榕根夾道古禪扉石磴迴環上翠微蘿徑籠煙雙鶴下板橋臨水一僧歸溪連極浦春潮入山抱孤城暮雨飛坐久塵心消頓盡寒雲亂綴野人衣

龍首山在州北福寧芟陽來自泰順勢特峻拔有望海嶺距海百里山勢尤高東山峯嶽乾亥之間北龍首山有石澗堂壘壘黼辰同知趙廷松鐫芙蓉臺作高院最高處曰聖水二山

合一天造雄奇有井廣丈許水清泚飲病者輒愈山半有菴  
今廢 明趙廷松芙蓉臺詩江列芙蓉嶂天開錦繡屏落霞  
知晚翠淡月出秋英獨倚千山秀空傳五老名山前鬱佳氣  
何日動三旌 傅汝舟詩行尋山水從吾好卧看青山奈爾  
何永夜松風掃星月經旬衾枕傍天河身間漸與仙人似地  
靜頻聞山鬼過短劍秋深思故國白雲回首萬峯多 又遊  
聖泉菴遠客入山門亦關老僧愛客長亦山泉香茗細難相  
却虎嘯猿啼獨自還 謝肇淛石澗未愜登山興移尊石澗  
堂松喧孤寺雨梨綻一林霜遠岫皆圍郭低雲不度墻莫將  
邱壑意辜負贊公房 又芙蓉臺步言出北郭共登芙蓉臺

卷三

八

求放心齋

芙蓉不可見片石空莓苔荒草無人跡松風天際來 又登  
龍首絕頂縹緲蓮花第一峯空山叢棘絕行縱雲生下界孤  
城雨人聽斜陽半嶺鐘海上晴濤奔萬馬天中積翠走羣龍  
金光玉蕊知何處欲駕鸞驂問赤松

建善寺在華峯下齊永平元年建初名建福唐景雲二年改今  
名元元統間重建洪武間重建修嘉靖乙未大修判官薛天  
祐記初唐宣宗時有僧大千入長安大臣引納禁近上方好  
佛問大千所欲僧答無欲但道場廢墜求復之上乃賜額詔  
還山由是建寺右爲東西菴放生池松風繡谷亭東臬又爲  
涅槃臺故佛眼璞公二祖師相繼來說法大瀉師亦因落髮



此古名利也 明潘廷易詩梵宇深沈萬象含千年雄勝七

閩南好山拔萃環滄海古樹籠陰護翠嵐鶴唳危巢看是兩

僧持戒行自成三投簪欲結他年社先為留題起話談廷易 永嘉

人 聶豹詩隼旗偶過招提境釋子倉皇亂打鐘芹菹齋厨

方午餉苔侵雄殿自春風嶺邊松樹雲屯綠竹外桃花日放

紅運水撇柴俱是相梵王何事只談空豹清江人福 建巡按御史

松山在三沙之南唐乾符中白水仙陳蓬居此古識云東去無

邊海西來萬頃田東西沙逕合朱紫出其間 國朝永樂間

徙置烽火門水寨有武弁數人鎮戍遂應其識宋陳蓬題所

居有竹籬疎見浦茅屋漏通星之句松山東南海中有山斷

卷三

求放心齋

與曰火焰嘉靖己未叅將黎鵬舉迎敵倭寇於中流大破之

明傅汝舟松山觀海歌松山不放海水過坐與潮汐爭咽

喉海門鼓角動地送不覺到我松山頭風沙冥冥水在下濤

浪滾滾天真浮一日可見九萬里寸心遙飛十二洲未知尾

閭果安在祇見萬水皆兼收將軍指我認絕域日本西戶東

琉球金銀樓臺色隱見笑談彼是仙人邱客中如此得大快

身外何止消百憂 叅議黃希憲詩風清萬里海潮平雲擁

鸞貅壯郡城天外烟浮千樹影雨中篷動五湖晴鞭蒲撫字

思劉老擊楫澄清媿祖生舉日瘡痍猶未復繪圖還擬達神

明 謝肇淛登松山百尺危峯水上浮芙蓉片片俯沙洲歸

潮漁網時初晒絕島樵

此未收石壁孤懸烽火夜銀濤高

捲海門秋年來卧治無事

坐看滄波萬里流

瑞巖寺在水坑嶺邊石方廣十丈餘二石相疊搖之可動有棋盤仙人足跡又名仙人岡五代唐清泰元年僧原智建寺

國朝正統九年僧惠玩修嘉靖初僧定輝重修 明謝肇淛

瑞巖寺城東十里皆海色合沓羣峯散空碧千村島樹瘴烟

青一片梨花曉雲白曉雲微雨東風冷歷盡平疇復高嶺曲

澗時聞暗瀑聲小橋斜度行僧影琳宮碧瓦敞諸天法堂流

水環平田半藏金經殘貝葉千年石柱繡苔錢萬竿寒玉大

如斗老榕盤空根未朽四圍山色倒溟濛坐覺清涼遠塵垢

卷三

十

求放心齋

春日遲遲暖不流嬌絲急管調箜篌紅粧一曲浮雲捲落葉

瑟瑟疑高秋秋去冬來旦復暮富貴還如草頭露高歌痛飲

騎馬歸暝鴉啼上冬青樹

秦與在州東十都並海有重鎮廛居繁盛其人樸茂又有赤岸

文崎高羅漁陽俱沃壤大金有千戶所柘陽多勇士

棲林寺在十六都崎五代晉天福三年僧了悟建 宋王十朋

詩我如倦鳥欲棲林喜見禪師棲處深家在梅花小溪上一

枝聊慰北歸心

十朋溫州樂清人知泉州路經福寧

太姥山在州東北百二十里舊名才山容成先生嘗棲之峯下

石坪石白石杵尚存王烈蟠桃記堯時有老母業種藍既而

仙化因呼太母漢武帝命東方朔授天下名山文乃改母爲  
姥山有三十六奇唐開元三十年都督辛子言自越泛舟來  
閩止宿海上夢朱衣元冠執圭而前曰某神吏昧爽仙姑之  
蓬萊屬某爲先驅中丞泊舟當路幸移楫旣覺移舟瀑雨洪  
濤少頃澄淨雲霞絢綵有鸞鶴簫管之音子言圖錄奏聞元  
宗張圖華萼樓宣示諸生宰輔勅有司春秋二祭仍禁樵採  
唐時有里人林嵩記宋時有里人楊楫嘉定中靈峯寺記山  
下有藍溪寺前有蒙井有歛港皆名勝 唐薛令之太姥詩  
揚靈窮海島選勝訪神山鬼斧巧開鑿仙踪常往還東甌冥  
漠外南越渺茫間爲問容成子刀圭乞駐顏 宋劉鎮太姥

卷三

七

求放心齋

山袞袞千山入馬蹄山遊回首日平西人從杜宇鳴時別天  
向兼葭盡處低白鳥得魚閒釣艇黃蜂抱蕊鬧花枝好將老  
母山前路付與孤猿自在啼 鄭樵蒙井詩靜涵寒碧色瀉  
自翠微巔品題當第一不讓惠山泉 薛文嘉藍溪八景詩  
萬仞嶙峋翠色微乳鴉啼散夕陽西短簑黃犢溪頭路欸乃  
聲中綠樹低 陳嘉言太姥墓吾聞堯時種藍媼世代更移  
那可數帝堯朽骨無微塵此間猶有堯時墓墓中老媪知不  
知五帝三王奚以爲狼貪鼠竊攫尺土窾木未枯已易主君  
不見仙人掌分明指取青天上騎龍謁帝大羅天不逐華蟲  
挂塵網又不見石棋盤人去盤空局已殘當時勝負此何有

爭先奪劫摧心肝請君絕頂試披寫左望東甌又東冶山川  
不見無諸搖但見烽烟遍郊野野老吞聲掩淚哀茫茫滄海  
生蓬萊 元陳陽極白雲菴緣岡躡丹崖東風挽瑶草飛鳥  
時往還山閒白雲老 陳陽純妙香菴畫棟翬飛鎖白雲幾  
看瑤月自黃昏龕燈未滅僧初定風挾潮聲到寺門 明傅  
汝舟遊太姥名山多石門太姥奇莫狀相當開闢來必有萬  
鬼匠驅雷運大斧劈此千仞嶂大石架不如小石巧相倣乍  
看怖欲墮諦視反牢壯一夫過僅容雲至不能讓初從俯身  
人棧級屨下上天容漏日微龍井滴泉旺暗折展復光九門  
遞趨向出門見石峯秀色九天望一削到地平匪持取屏嶂

卷三

三

求放心齋

霞古盪成痕真骨固無恙老樹多生芝幽泉亦成浪好鳥時  
出遊於人每相撞居然見閭闔果爾闖蓬閣始知東方生圖  
記語非妄 錢行道謁太姥墓太姥藏真處丹青第幾重今  
名因漢改古蹟自堯封樹黑啼山鬼潭腥卧鉢龍鐘離爲近  
侍已化白雲峯 又登摩霄絕頂宿白雲精舍梯雲萬折上  
嵯峩咫尺烟霄坐可摩峭石定知妨月御飛泉直欲挽天河  
僧空色想看花落客悟聲聞聽鳥歌若使仲連來此地不教  
東海踏滄波 習靜開房對法筵欣逢惠遠證三禪同炊白  
石煨雲母自煮寒泉試月圓午夜鐘聲清萬籟半空竹色晦  
諸天山中一宿心如水平盡紅塵四十年 史起欽太姥羣

山温麻尋勝地太姥更留名擁衛羣峯合參差古樹橫穿雲  
看過鳥激石聽鳴泉踏遍丹崖路留題聊訂盟 又金峯菴

綠環僧舍竹便是隔塵氛玉嶂圍空翠金峯掃亂雲石扉天

自設古木樹高分欲盡登林興疎林挽落暉起欽鄞州人  
萬麻中知州

徐啓東次步步層崖入幽棲隔世氛到山金作字對面嶂為

雲雙石重門鎖孤菴萬竹分臨行遲去馬猶自醉斜曛啓東  
上虞

人工部主事  
左遷州同知謝肇淛大龍井危極斷復連抱石出層巔路

絕絕藤下崖幽秉炬穿風雷轟白日苔蘚起蒼烟欲取驪珠

去神龍恐未眠 又巖洞贈慶和尚春風萬壑散晴烟躡棘

攀蘿鳥道邊恠石疊成空外色懸崖穿破地中天洞蒸嵐氣

卷三

求放心齋

時時雨路遶峯頭處處泉茆榻竹房人不到老僧長抱白雲

眠 又金峯菴蒲菴石室倚崔巍巖瀑潺湲曲磴迴百畝翠

雲寒玉滴半窻黛色錦屏開道流伏火留丹竈野鶴窺人下

玉臺避世山中忘日月落花流水即天台 又宿摩霄菴萬

壑空青敞梵宮下方一氣俯溟濛昏鐘半落天河外返照全

低碧海東苦竹半窻山鬼語寒雲一榻老僧同松風吹醒遊

仙夢身在瑤臺積翠中 陳五昌巖洞菴天開石洞嶂芙蓉

紺殿深沈響暮鐘烟暗竹園眠錦雉寒生松塢起蒼龍行當

峭壁應無路望入層崖更幾重最是此中空世諦小橋流水

坐高春 又御風橋盤旋鳥道聳虛空隔斷摩尼頂上宮橋

自容成驅石駕路從太姥闢山通雲橫翠壁來天際日照紅  
濤出海東羅列危峯千萬態一聲長嘯御微風 周千秋白  
箬菴叢林寂寂背摩霄十里尋源鳥道遙白箬數椽雲際寺  
清溪幾曲竹間橋籬疎春暖花依砌洞古烟深樹挂瓢階下  
殘碑荒蘚合開山惟記自前朝 崔世召龍井玉華翳井蟄  
龍蟠石角藤踪百級難曲竇雲依僧火下澄潭霜逼客衣寒  
山姑頌呪降秋水野老呼雩上灌壇坐許忽疑風雨動颺珠  
隱隱照飛湍

龜湖寺州北柘陽湖在山巔相傳湖水視海潮盈縮龜如巨石  
浮海而來僧以飼虎遂化爲石後唐清泰元年僧原智建寺

卷三

西

求放心齋

有息心亭覺心橋挹翠軒寺廢址存石柱石槽移巖前院

飛來山州西北百二十里高峻軒豁相傳有異人修煉俗呼仙

洞里人謝伯陽詠爲八景 謝伯陽飛來洞詩蓬萊海上清

涓涓此山比之何其然冰厓六月洒秋雪芝草九夏浮晴烟

當林亂木不知數石洞仙人在何處借問吹簫橫紫霄疑是

當年遠飛去 又東嶺樵歌鳥聲嚶嚶幽谷春伐木聲落東

溪雲溪雲與我心相逐世上諸人徒紛紛紅塵日月轉雙轂

我自樵歌出林麓千年不見爛柯人半嶺烟霞鎖芳綠 舒

時勉詩龍蟠紫府雲生石鶴守丹爐火未灰兩翼烟霞連鳥

與四時風月滿樓臺 陳廸三台石室詩三峯鼎峙宛三台

石室雲屏透，遲開知自鴻濛分野後。却從海上駕山來，桃花流水非人世。古木喬松雜草萊，俗轍不來塵不到。洞門終日掩莓苔。鄭槩詩：三台石室碧重重，踏破烟霞有路通。覆逕松閒丹竈冷，採芝人去石門空。一溪流水鳴寒玉，兩岸桃花笑暖風。幽興頗關黃老術，藏修無地問喬松。

邱允墓在馬鞍山壽龍岡，又名南山。政相里民婦以夫死鬻地，將立券夜夢一紫袍金帶乘白馬立岡上，以鞭指之。此邱十郎地，勿售他人。詰旦神其事，里人邱叟哀而償之，卒葬其地。俗呼邱金紫墓。允官朝議大夫，嘗廬父墓，卒耐葬龍山盡處。

靈泉寺在四十都。宋乾德五年僧寶公建。元陳陽至詩：夜汲

卷三

五

永放心齋

清江籟不譁，大瓢貯月沁胡麻。人間春色僧無分，一任東風過落花。陳陽極詩：白雲深處寂無譁，香積惟餘一飯麻。出定不知春幾過，淨瓶花落點袈裟。

處溪州南四十五里，與長溪合。宋福清林仲嘉詩：山澗清連海，溪長綠遶城。規模唐故郡，絃誦魯諸生。白日經簷短，風霜吹寒衣。梅梢驚歲晚，沙際有春歸。

福安縣本唐長溪縣，西北永樂靈龜二鄉舊名咸陽坂。宋淳熙間置縣屬福州。元升長溪爲州，縣改屬州。國朝洪武二年

州復爲縣，並屬福州府。景泰六年析縣十一都等里置壽寧縣。成化九年陞福寧州，縣仍屬州。編戶四十八里，東至州。

杯溪西至政和赤巖南至宣德飛鸞北至泰順縣廣一百五十里表三百里

展山在縣東北脈自東山龍從東郊來既延袤西北郊為官埔  
菱杯二山入城屹立縣治負焉如斧依曰金曰龜湖曰雙髻  
雖各方隅其實一山陂陀起伏名稱乃別

黛凝寺唐咸通二年建又天福西林寺宋建成化間重建 陳  
于震詩好山宜晚更宜秋紫氣林巒雨氣浮豪興未窮千里  
目欲從山上起高樓 樹木傾崖鶴外灘竹兜乘雨過青山  
斜陽暫借禪林宿博得浮生半日閒

龜山寺唐開成二年建初蔡柳二師入闡法曹楊郁處士黃俞

卷三

六

求放心齋

施山為寺延師居此示寂後王審知建殿奉之宋雍熙二年  
賜額雍熙成化間重建更今名寺與宋儒楊復故宅伊邇朱  
子於精舍論學月餘

雙巖嶺宋建炎間韓世忠討范汝為屯兵於此唐咸通間建寺  
宋王十朋詩崎嶇九嶺更雙巖遙望閩山未見山來訪神  
鐘幽隱處翠微深鎖古精藍

大萊嶺與小萊聯絡數里極高峻寇盜窟穴行旅患之今稍衰  
息俗呼大梨小梨二嶺 明謝肇淛梨嶺詩昨下白鶴林今  
登大梨嶺石級三千層疑出霄漢頂陰蹲虎豹窟晴挂虹電  
影危如華岳脊勢與崑崙等十步九脇息仰視不可竟林杪



微忽明窅若窺天井罡風颯颯  
細雨若縻縷直穿磴道窮  
始覺塵方迥一氣俯茫茫村  
落同鼃黽大海碧際天杯中瀉  
萬頃島巽浮沒滅中流一舫  
龜嶼遠神已飛憑虛意逾騁詠  
奇飽昔聞壯觀愜金景尙平  
累未除獨立愁方永

羅漢寺在十七都宋天聖七年建 國朝成化十六年重建

明知縣葉充詩寂寞無隣並嵐深路不分烏驚花院磬僧掃  
竹牀雲水碓月中轉山田火後耘且從支遁室琴上引南薰  
薛令之宅在廣溪令之唐神龍進士歷右庶子開元中官僚淡  
泊時事垂謬令之鬱鬱有掛冠志嘗題屋壁有曉日上團團  
昔藉長闌干之句元宗見詩不悅續以若嫌松桂寒任逐桑  
榆暖令之遂謝病徒步歸肅宗乾元初以舊學召令之已前  
卒乃旌其鄉曰廉村水曰廉泉云宅之左故有祠縣城北亦  
有補闕行祠

卷三

七

求放心齋

靈谷寺本薛令之草堂唐咸通初建寺 國朝成化十八年重  
修 里人謝汝瑞詩踏破烟霞度遠林梵宮高鎮白云深松  
風不動山僧夢巖水能清野客心深夜樓臺浮月色五更鐘  
磬吼鯨音空門寂寂天花雨洒却塵氛萬慮沈

甘棠港在黃崎鎮港上接東平秦溪穆溪大梅溪諸水南出古  
鎮門入海先有巨石爲舟楫唐王審知爲觀察使禱於海  
神一夕雷擊巨石碎之遂爲安流今有甘棠二公館一明謝

肇瀚宿黃崎鎮到海路已絕空村人獨眠愁風復苦雨始信  
夜如年

鹽運分司在黃崎唐權務也今徙長崎東路細鹽於此盤製司  
佐領之

白石巡檢司在七都近徙黃崎鎮多八烟有城堡監司行部駐  
節於此緣舊驛裁去故令巡檢代驛供應瞰江有官渡東北  
行為福宣西北行為福安

穆陽在十八都繆氏聚族於斯繆與穆同音義也撫曹繆烈有  
穆洋八咏

謝翱宅在穆陽翱字皋羽父鑰有隱德為婦翁撫曹繆烈所重  
求放心齋

卷三

六

早治春秋倜儻有氣節嘗思捐軀殉國難杖策參文丞相天  
祥軍事宋社屋家室散亡乃徙延平居建之浦城落魄漳泉  
間後遊巖睦往來婺台之間登子陵西臺奠以牲醪用竹如  
意擊石悲歌作招魂之所者晞髮集以屈平自命卒葬白  
雲邨殉以遺文其徒吳貴買日月泉精舍歲時丞嘗不絕

